

OMUKUETU

No 7.

JULI

1956.

OUA TUNGILA KOMUKAŅGA ULIPIPO?

Mt.7:22-29.

"Efiku tuu olo-". Efiku lilipipo Jesus te li popi apa? Efiku linene letokolo, fimbo ovañu aveshe va ongelua koshopangulapundi sha Kristus. Fje nave jo ohatu ka kala mongudu ojo. Efimbo levangeli, efimbo lehupifo, efimbo loshlonga shetumo, olo tu li kuete natango, ola hula po hano. Evangeli ola fika apeshe, noshilonga shetumo osha hanga efikilo lasho.

Mefiku olo linene omuñu keshe ota konakonua ñumbi a longifa efimbo lokukongua kuavo, Kalunga eshi e va kongifa evangeli laje.

Paendjovo da Jesus efiku olo otali ka ninga efiku loikumuiifa, osheshi tali ka holola, kutja vahapu vavo, va ninga ovakwaneongalo no va fa va taambula evangeli no va shita mehupifo, ove lifundjaleka ashike. "Ongulu javo" joukriste - nande va fa va diinina oku i tunga nga - nani inai tungua komukañga ua kola, oñge mefiku letokolo otai ka ngumuka ashike. "Inandi mu shiiva nande, djeni po pu ame, nje ovakolokoshi". Didilika, mongudu ja ovo, tava ka lombuelua ngaha, omu na nokuli ovo va longa oiongañgono medina la Jesus.

Nge handi litula ame muene koshi jeendjovo edi, ondi nokutja, ihai dulu okulinekelana nande kanini ouhongu uange. Oilonga jange, ndi i kuete mejakulo leongalo la Kristus, ohai dulu oku i longa nga, nande nda tungila peheke ongulu jokukalamuenjo kuange. Noshho ove jo omufitaongalo omukuetu ile omukuluñuogalo ile omujakuli umue eliili ueongalo oto dulu nga okukala mejakulo leongalo, nande ongulu joje ja tungilua komukañga inau kola. Na ove omukwaneongalo, efiku limue ove omudiinini nokuli mokuholoka komambo no keengudumbimbeli nomupenda moilonga jeongalo n sh. t. , ndelene nande ngaha, otashi dulika ove jo ongulu jokukalamuenjo kuoje ue i tungila komukañga u he noshilonga. Oudiinini uoje noupenda uoje efiku limue uopashitue uongahõ, ohema aike ja uapala, tai tuvikile omuñu eli kokule na Kalunga.



Mefiku letokolo ovakriste ovauambo jo vahapu tava ka hangika, va tungila ongulu joukriste uavo komukañga inau kola no tava ka lombuelua: "Inandi mu shiiva nande, djeni po pu ame, nje ovakolokoshi." Ovakriste vahapu no mokati ketu va efa shili omukañga uemanja oo, ve u peua ku Kalunga, va tungile ko, no ve likongela oimukañga javo vene. Omujapostoli Paulus a fa ta popi naa naa efimbo letu lopaife no medu eli lovaumbao nge ta ti: "Osheshi efimbo tali uja, vo inava hala okupuilikina omahongelo a pama, ndelene tave likongele ovahongi vopahalo lavo, nde tava shingafa omatui avo pauhalu uavo vene. Nomatui avo otava fitikile oshili, nde tava puilikine oipupulu."

Omukuetu, inatu ningeni ovatuningingulu ovashima. Tu tungileni ongulu jokukalamuenjo kuetu komukañga ou uemanja tue u peua ku Kalunga no tue u longua. Atushe tua pulua moipafi jeongalo la Kristus: "Omua hala jo okujukifa okukala kueni keendjovo da Kalunga nokuangala oulunde keshe, nje mu shikule Omukulili ueni, Jesus Kristus." No tua njamukula: "Heno, nda hala." Tu diinineni ehempaululo eli letu, osheshi "kaku na ou ta dulu okudika omukañga umue, oo tuu ou ua dikua, oo Jesus Kristus."

LANDULA NDJE.

Mat. 9:9-13.

Omuua Jesus oje omukuiita kua zi ku Kalunga, kua ja a kondjele oomuenjo daana jaKalunga. Onke mokuenda ota mangu-lula oonkuatua, ano mboka ja mangu-luka okue ja ningi aamangululi joojakuaao. Mateus nguka a fa kua li omunedina muujuni, oshoka okua tulua moshikondo shuujamba, ihe nando okua li ngeji; Omuaa Jesus okue mu tala ngashi ngoka ta hungilua ekano. Mateus okua li uo ngoka a fa a longua naua ompango, ihe Omuaa sho kua mu tala oku luete ngoka ke shi sha shoka ke na Jesus. Mateus a fa kua li a likola uo ouino uufupi okutseja Jesus, ihe ua fa kua li inau tana, oshoka ina kongu Jesus. Omuntu a tja ngeji Omuaa Jesus okue mu endele osheendo she mu ukilila je muene muene, pecimbo a kuutumba pesimano lje. Onke Omuaa okue mu lombuele: Landula ndje. Elaka ndika kandi shiuo Mateus sho lja ciki momakutsi ge oonkondo daljo nkene kua li e di uvite. Elaka ndika pamue lja egu'ula olumbogo luaa nehulilo pokati ka Mateus neliko, nenge lja tonatica omuenjo gue okutseja Jesus naua. Omulua shoka kape na shilue tashi vulu okuhalakanica omuntu nesimano lje ombadilila shila ongoka a jelulua keso nenge komuenjo.

Omuua Jesus muene omukuanilua ngoka a hala oomuenjo daashitua je di hupicue, Mateus ngoka kua kala a kuutumba pomahijilo gaantu, okua hala e mu kuutumbike pomahijilo goomuenjo daana jaKalunga. E mu landule mehijo, mehepeko, meso, lja fa lje no ku mu landule momuenjo gualuhe.

Omuleshi ngoka ho diladila oua dimbulula kutja Jesus okua pumbua aalanduli, nokua hala ngoje uo u mu landule? Nenge pamue ua hala u mu jamukule ngashi mu Lukas ontopolua 9:59. Nokutja ou na manga omudimba guaho, sho ua jile mongerka, no sho ua li mongundu jetine, no sho ua li pegalikano oua njengua ngaa okutokola u landule Jesus moluomudimba guaho? Omukuetu ku na esiku limue to vulu okutja Jesus ine ku icana, oshoka natango Jesus ota ti: Landula ndje.

Pinehas Kambonde.

"Ndele omukañga ua pama ua Kalunga otatu kala ua pamenena, nde u noshihako eshi: Keshe tuu ou ta ifana edina l'Omuene, na efe oulunde."

"Kaku netokolo lokukanifa ava ve li mu Kristus Jesus, osheshi oñango jompepo jomuenjo mu Kristus Jesus, ojo je ku mangu-lula momango joulunde no jefjo."

E. Hynönen.



OMUKUETU

Juli 1956.



NAKAMBALE KANENE.

Omumvo 1926 Owambo ayihe oya lili oosa dhomuhongi gwayo omunene, Nakambale Kanene, Dr. Martin Rautanen. Okuza komuvo ngoka sigo ngashingeyi pwa piti omimvo 30, ihe natango tuu edhina lje ohali tumbulwa olwindji kOwambo ayihe. MOndonga omu naakriste oyendji aakulu mboka ye shi kuhokolola sigo nena; „Ngame onda longwa kuNakambale.” Otaye shi tumbula nenyanyu, eeno, olwindji neinenepeko nokuli. Ya fa ya yuulakwa omathimbo ngeyaka gonaale, uuna omongwa guukriste gwa li inaagu hahuka natango.

Shoka sha kaleke edhina lya Nakambale mokati ketu, osho unene omambo ngoka e ga longekidha. „Omahokololo ga Nakambale” osho haga ithanwa natango kaaleshi yago. Nongele tatu tala Ombimbeli ndjoka twe yi mono mumvogu, otu nokuhambelela shili Kalunga, sho kwa pe Nakambale Kanene oonkondo nuudhiginini okuwilika oshilonga shoka shelundululo nokukondja nasho, sigo sha gwanithwa. Nando pu pite oomvula dhi thiike peni nonando pu ka holoke omalundululo ge thiike peni, omapipi agehe oge nokutseya Dr. Martin Rautanen oye omulundululi gwOmbimbeli yotango melaka lyaandonge.

Kuku Nakambale Kanene okwa li omuputudhi gwaantu omudhiginini ngoka ine etha aakriste ya kale inaa vulika kehalo lya Kalunga. Oye okwa li e noohapu dha kola ye ina tila wo okulongitha omageelo kaatangalali. Ihe oohapu dhe adhihe nomageelo wo oga li ga kankamekwa muujuuki nomohoole onene yokuhoola aawambo.

Ando oye a li ko natango, ando oku nokusa shili oluhodhi nokutala omikalo dhaakriste yongashingeyi.

Oomvula ndhika dha piti po okuza kokusa kwa Nakambale odha gwedhele ko ouala kesimano lye. Oye mwene okwa li ini ikongela esimano lya sha. Oye okwa li e shi shi, oye oshilongitho showala me-

AANASTORA AAWAMBO.

Muuyuni wonaale aawambo ayehe oya li aanamapya naanahambo. Kehe gumwe okwi isile oshimpwiyu konyala miinima ayihe. Omalandakanitho oga li omashona ageke. Omboka ya aadhika koluhepo lwiilya oyi ikwatha nohaha nenge ya ka hehela kiilongo. Oonkulungu oya shingitha wo iinima yawo yuunkulungu. Melandakanitho lya tya ngaaka iimaliwa inayi pumbiwa.

Aatiligane sho ya tameke okudhika oostora dhawo kOwambo, aawambo oya dhimbulula oompumbwe dhi ili nodhi ili tadhi vulu okugwanithwa moostora, shaa tuu omuntu e niimaliwa. Mbalambala aawambo wo oya tameke okulalakanena oshilonga shomunastora. Ngashingeyi omwalu gwaanastora aawambo kagu shi we omushona, nogu li natango pokukoka.

Oyendji ya mboka ya dhiki oostora dhawo kOwambo inaa tseya nawa oshilonga shawo, onkee inaa ninga aanastora aawanawa. Yamwe ya fa ye shi, oshilonga shomunastora osho okufutitha aantu oofuto oondhigu noku ya yuga ngeyi. Oyo ye shi taa likola ngaaka, ihe oya puka. Kombinga yimwe aantu taa dhimbulula mbala iinima yi nondilo, notaa londodhathana yaa ka lande we kokuma kwa tya ngaaka. Osho ngeyi omulandithi omudhigu oti ietele oluhepo. Kombinga onkwawo ishewe Kalunga omuyuuki ote mu geele omolwokuyuga kwe note mu etele iiponga ya landulathana, oye kaa wape okukala nawa neliko lye lyuukolokoshi.

Yamwe mboka ya dhike oostora oya puka mpoka sho ye shi, omuntu ta vulu okulonga oshilonga shomunastora ponto yoshilonga shilwe oshinene. Oshilonga shomunastora nasho wo oshinene; itashi longwa mootundi dhimwe dha halakana. Omuntu e noku shi ilonga nawa, noku noku shi dhiginina nuudhiginini shili, opo a kale omunastora omuwanawa. Ongoka ti ihalakanitha pokati kiilonga iyaali iinene, ita gwanitha nando shimwe shomuyo.

Omunastora kehe na dhimbulukwe oye omuyakuli gwaantu. Oye e noku ya kwatha, ya mone nuupu shoka ye shi pumbwa. Onkee e nokukonakona nawa oompumbwe dhaantu. Ongoka kee hoole aantu, kee na mpoka ta ka ninga omunastora omuwanawa.

Omunastora e nokutseya nawa iinima mbyoka te yi landitha. Oye e nokukonakona nuudhiginini apehe mpoka tapu monika iinima yi ili noyi ili, a uape okuhogolola mbyoka yo oopala noya kola. Oye e nokukonakona wo oondando adihe, opo i ikongele mbyoka kayi nondilo. Mevi ndika

ke lyOmunankondo ngoka e mu hogolola nokwe mu tumu moshilonga she. Oye okwa valwa omuna gwomupika, ihe esilohenda lya Kalunga oye mu nenepeke, sigo oye a ningi kuume kaakwaniilwa nokaanandunge na he yooitaali oyendji.

Omathimbo ga Nakambale kage na mpo taga ka galuka we. Ngiika maahongi ayihe yongashingeyi noyokomeho itaku ka holoka we ngoka e mu fe muudhiginini nomiilonga. Ihe otatu vulu okuindila Kalunga ngoka ha longo aluhe iipe, oye a hogolole maawambo yo yene omuntu ngoka omuvuliki nomuifupipiki, ngoka ta vulu oku ka ninga omuvuliki gwaakriste aakwawo meitaalo nomohoole nomuukriste auhe.

omunastora ngoka ina tseya omalaka, nge oshimburu nenge oshienglisa, ota nyengwa moshilonga she.

Mokuutha oondando omunastora e nokudhiladhila shili nawa. Kumbyoka e yi futu mwene, oye e nokugwedhela sha shi ninge ondjambi ye, ye e nokudhiladhila wo iifutwa ye yilwe, ngashi oompale dhoshilongo noofuto dhaayakuli ye. Ihe kombinga onkwawo oye e nokukotoka, iinima yaa ninge yi nondilo, opo aantu yaa yugwe yo yaa kanithe ehalo lyokulanda.

Omunastora ngoka kee shi kuyoolola pokati kiinima ye mucne niinima yostora ye, oye oti itula meluhepo mbala. Oye ngele ta li nota longitha mwene iinima oyindji yomostora ye, nena oye kee na we shoka te shi likola. Olwindji, unene petameko, omunastora e nokuidhidhimikila oluhepo omolwoshilonga she, opo shi hume komeho.

Otwa pumbwa aanastora aawanawa, ye tu yakule nawa moompumbwe dhetu. Ihe aayug: yaantu naanastora aahethi kapu na ngoka e ya pumbua. Oyo oothithiya dhiimpwiyu nodhoombudhi muushiinda wawo.

Oshilonga kehe oshi nokulongwa nawa ku mboka yuuvite Kalunga e ya ithanene musho. Oshilonga ngele tashi longwa ngeyi nawa mombepo yo oopala, nena oshi na wo eyambeko lya Kalunga.

E.J.P.

OOHAPU DHA KALUNGA DHA SHITULULA OSHIGWANA SHOONKOLWI.

Pokati ka Asia noka Austaralia oku na ontuntu onene ya Borneo. Uule wawo owo oomaila 800, nuumbwalangandja wawo oomaila 500.

Omumvo 1928 aatumwa yoohapu dha Kalunga oya tameke oshilonga shawo miilongo ya Sias na Iban kuumbangalantu wa Borneo. Omwalu gwaantu mboka ogu li ngashi gwaawambo andola. Omoluukukutu waantu oshilonga shetumo inashi hala okuhuma nawa komeho mokati kawo.

Kokule koondundu kokuti okwa kala oshilongo oshishona sha Murut. Aamurut mboka oya li haa tilika noya li ya dhinika kaantu ayehe, oshoka oya tseyika oye oonkolwi oodhigu. Iilya yawo yolwishi oye yi hangitha iikolutha iidhigu. Shaa tuu ye yi mono ohaa etha iilonga yawo ayihe e taa lala ya kolwa omasiku ogendji. Kwa tengenekwa kutya omasiku ngika 100 momumvo kehe aamurut inaa longa sha, oya nu owala noya lala.

Omumvo 1933 omuhongi gumwe okwa ka uuvithila aamurut oohapu dha Kalunga. Oye ina mona ompito okukala ethimbo ele mokati kawo, oshoka epangelo lyaatiligane olya gandja ompango ondhiguelala. Olya ti, aamurut oye nokueithiwa, yi imane po sheke muunkolwi wawo; itaa ningi we aantu. Aantu ayehe yalwe oye nokukala, ihaa endathana nando kashona naamurut. Koshilongo shawo ihaku yiwa nokuli, sigo aamurut taa pu po. Ompango ya tya ngaaka oya dhigininwa sigo omumvo 1938.

Omumvo 1938 epangelo olya galula ompango ndjoka ondhigu noya zimine omu-

Etsikilo kep.4.

OSHIKOLOLO SHOMEGUMBO

OMUPANGI TA HOKOLOLA:

Diakonia (Etsikilo)

Ngashika aasitagongalo naalongi, no-sho tuu aadiakoni jomegongalo taa pumbua okukundacana. Onke ano opua uucua ngeji:

Kehe oshitajingerki shi gongate lumue omuvo kehe okukundacana oshilonga shejakulo. Aadiakoni ajehe taa hijilua moshigongi shino shoka tashi uucilua omuulikihapu koshigongi shomubishofi. Oshigongi shika shokukundacana ejakulo tashi tameke nelongelokalunga moka omuulikihapu ta uuvica mo. Konima taku leshua ehokololo ljoshitajingerki komuulikihapu no tali hokolola ashihe shoka sha longua moshilonga shejakulo shoka. Taku landula isheue omauuvico nomahokololo galue ge nekuataceno noshilonga shejakulo.

Diakonia taji lalakanene iinima mbika:

- 1) Okutonatela oohapu da Kalunga di monike ku ajehe, okutaandelica Oombimbeli nomambo galue goopala gopavangeli.
- 2) Okuhunga comuenjo.
- 3) Okusila oocigua olukeno noshimpuiju, nokukoleka nokugalula mboka ja punduka nokujambula mboka ja ningina mo muulunde.
- 4) Okutonatela oobepele naavu ja ningi omasiku mombete naakulupe, na mboka ja mono oshiponga miita, naaposi naacitamatsi niitiningili noombolo, naajanankuengu naakuanaluhapo jalue ja mone ekuaco, uunene mboka itaa vulu jojene okuhololela aantu oluhapo luauo.
- 5) Okusa oshimpuiju aavu ja mone aapangi, jo ja kuacue uo okufalua komudohotora ngele je shi pumbua.
- 6) Okusila aanona naagundjuka oshimpuiju noku ja uulika mombepo jopakriste.
- 7) Okupenduca egongalo okuimba, okujakula momalongelokalunga nomomauuvico galue, ookuopaleka ongerki, okugongelela diakonia iimaliua nosho tuu.

Opua uucua natango iilonga jaadiakoni nosho tuu nkene egongalo li noku sil'oshimpuiju omudiakoni nguka oku mu kuaca shaa shoka ta pumbua mokukala kue no mejakulo lje.

The kandi vulu okutumbula ngashingeji iinima mbika ajihe, oohapu dandje daa ninge oonde uunene.

Otatu uapa ashike okutala nomeho gopambepo mokagumbo ka „Maria Manene” mu Soomi. Esiku limue ku uvite ita vulu okupita, te ehama. Ita vulu okutema, oku uvite uutalala. Omushiinda ota mono Maria Manene ina tema nena, oku li po ngiini mbela? Omushiinda ta ji nuukulja te ende-lele e ke mu talele po. Sho kue mu aada mombete ita vulu okupenduka, okua tumu elaka komutaleli guomukunda. Omutaleli okua tumu elaka komudiakoni. No inapa pita ecimbo ele omujakuli kue ja ku Maria Manene nomiti de niikuacico je iikuaau. Oje a tala shoka tashi pumbua no kue mu jakula pamue esiku limue nenge gaali. Sho a mono oku li ihuepo, okue mu gandja miikaha jaashiinda aagundjuka je mu talele po noje mu kuace oompumbue de sigo a kala naua. Nenge omujakuli pamue nomutaleli oje mu fala



monasaresa. Omushiinda okue mu kuaca okatempa.

Otatu eca okutala „meme” Soomi, otatu tala ohugunina „okanona ke,” egongalo ljaauambo. Oljo otali humu tuu komeho? Ejakulo ljopakriste omo li li tuu?

Ongame kombinga jandje inandi shi dimbulula naua. Oshilonga shandje sha mangela ndje peha limue alike. Otandi mono ashike aavu otaa ja ojendji okubangua. Esiku limue otaa etua koojakuaau nokatempa nenge nokasino, esiku limue a holoka je muene. Nopecimbo ndika ojendji otaa etua koshihauto shokOndangua. Esiku limue omuntu ti indile omuti no ta hokolola, omuvu ku li kegumbo. Ngele ndi uvite ota alukililua otandi ti: „Onda njengua oku mu kuaca, oshoka ota pumbua okutalua nokupangua naua, shi vule to mu eta moshipangelo.” Omuntu ota jamukula: Aahumbati otandi ja aada peni?” nenge „Etemba otandi li kuca peni?” nenge „Otandi li futungiini?”

Esiku limue ngele tandi tumu komusita guegongalo omutumua guandje ote mu aada kee po. Oku li peni? Aniuu okua ka talele po nima ngoka ta aalukua. Osho ashike sha foshihomo momakutsi gandje ndi shi momagongalo.

Naale nda mono nkene omusamane gumue omufupi guolupe lue, okua holoka oluindji moshipangelo okuiila omiiti. Ine di ikongela, aue, okue di kongele oojakuauo. Onde mu tala no nda kumua sho nda mono oshipala she aluhe sha aadima kenjanju. Onda tameke okupula omukuetu: „Omusamane nguka olje?” Onda jamukulua, oje omusamane nima, oje omutaleli. Shaa tuu omuntu momukunda guaandjauo ta aadika kuuvu oje te mu jakula. No te mu kongele aahumbati ngele taa pumbua. - Ondu uvite omutaleli nguka okua li e na Kristus momuenjo gue, nokua njanjukua sho kua mono eha oku mu kalela maavu.

Ondu uuvu isheue nokutja momagongalo mua tulua aataleli momukunda kehe. Tate Hänninen okua jelekele shili okulonga aakuanegongalo je „okudiginina ajihe mbika Jesus okue mu lombuele.” Oje okua kambadala okulonga egongalo lje okuenda nomagalu gaali nokulongica iikaha ijaali.

Omumua tate omuhoolike! Ongoje ou na tuu ehalo ljokujakula nenjanju?

OKUKOSHA OHEMA.

1. Ohatu pupula ohema, ondui i dje mo.
2. Ohatu i tutike momeva matalala, edilo li ha kanjatele koshikutu.
3. Opo nau i kosho nomeva mapju nofeua. Ohatu kosho:
 - a) oñulo kombinga jomeni
 - b) omaoko " "
 - c) ofingo " "
 - d) oñulo " " jokombada
 - e) omaoko " "
 - f) of ngo " "
 - g) omutonjo
 - h.) olutu alushe
- 4 Nenge ohema ja jela ohatu i shimula momeva matalala.
5. Ohatu shimula lutivali momeva matalala.



Okukangula ohema.

I Ohema hatu i shamine tete. Ohatu shamine nolukateko lomuidi ile neke. Ohema ohatu i tonjo. Ohatu tonjo omaoko, omiongo dohema, oñulo nomutonjo meni. Ohatu i tonjo naua, ohema i ha kukute.

II. Ohatu kangula ohema kombinga jomeni. Nenge hatu kangula kombinga jomeni oluvala luohema talu pashuka naua kombinga jokombada. Ndele nenge ohema tai mono oshiponga (tai pi), oshiponga itashi monika unene kombinga jokombada.

Ohatu kangula:

1. oñulo kombinga jomeni
2. ofingo " "
3. omaoko " "
4. olutu " " , ohatu hovele komutonjo.

Ohatu shili oshikangule, itatu dedaula. Nenge oñulo kombinga jokombada oi nomangonjoto natango, hatu i kangula natango kombinga jokombada. Nenge hatu kangula efimbo alishe hatu kuafa neke lokolumosho kutja oshikutu shi kale sha juukilila opo shi ha ninge omangonjoto.

Jesus opo e li natango mokati ketu. Oje a ti: „Oshili tandi mu lombuele: ajihe mbjoka mue ji ningile ogumue guaambaka aamuameme aashushuka, ongame mue ji ningile.”

„Onke ano, shaa shoka mua hala aantu je mu ningile, osho ja ningileni uo; oshoka ompango nooprofeti odo doka.” (Evang. pa Mat. 7:12.)

Oshikololo shaagundjuka.

SAMUEL MORRIS.

Omulunde oku ud'Ombepo Ondjapuki.

Etsikilo.

Ongulohi jontumba a ka talela po omuuvici guontumba edina lje Merritt. a li e mu kundana manga, a li mevi ljaandjauo.

Sho a ciki ko Merritt, okua li e li moshigongi ina uapa oku mu taamba, onke ano okua tumu Samuel kongulu jetumo, Merritt sho a zimbuka moshigongi okua ji ko uo kongulu jetumo nosho a ciki ko okua ada Samuel a kundukua kaantu 17 mboka Samuel eja fa'a ku Jesus noja hambelele Kalunga omoluedimopo ljoondjo noku li njanjuki. Merritt ina mona nale oshinima sha tja ngaaka, oku uvite Mbepo Mujapuki oje a longo ngaaka.

Merritt okua fala Samuel moskola je josondaha a popye ko. Merritt ina dimbulula naua shoka Samuel a popi, ihe apehe opua li pe naanona naagundjuka ja lili. Oonkondo daMbepo Mujapuki odu udica eha ndjoka.

Aagundjuka ja hangana okugongelela Samuel iimaliua a uape okukala moskola, ja hala a ninge omuuvici, noja hala oku mu tuma moskola ja William Taylor.

Esiku limue Merritt a li a hala oku ulukila Samuel oshilando, ihe Samuel a tsoongolo metemba nokua galikana, noku galikanena Merritt uo ihe okua uda Mbepo Mujapuki. Merritt uo moku galikana kue oku uda Mbepo Mujapuki.

Samuel a taambua moskola ndjoka ja William Taylor nando kakua li ku noshikeca shiimaliua shoku mu kuaca. Aalongi naje muene uo oji inekele Kalunga muene te ke mu sila oshimpuju. Opua holoka aantu mboka je mu kuaca iimaliua sho je mu uvu moshigongi shontumba nenge je mu lesa miifo.

Samuel sho a li e nomutse omupu nokui ilongo nuudiginini nokua li uo omuuvici omuuanaua nomunankondo nomugalikani uo. Sho a popi na „He” ina dimbulula nande omakudilo. Ombimbeli okue ji lesa nuudiginini. Shaa ngoka e ja mondunda je Samuel okue mu indile e mu leshele ekapiteli limue mOmbimbeli. Samuel sho a ningi omulongua a tsejika apehe, na mboka je mu mono, oja kuminua eitaalo lje ljpakanona nokukala kue okua japuka noja hokololele jalue sho ja mono muje nenge ju uvu muje. Ojendji ja pula ja peue efano lje, ihe oje a ti: „Ndjoka lja ndje inali opala andola mu peue ndjoka lja Jesus.

Ombepo ja li ontalala unene komumati nguka guomu Afrika ljuupju na Samuel okua kuatua kuvu. Okua galikana Kalunga e mu alude nokua kuminua Kalunga sho ine shi ninga mbala ngashi nale. Ihe nokomeho a dimbulula osho osho opala ngashi shi li po. Ihe ina tila eso, okua ti: „Eso lja ningi kuume kandje sho ndi ilongo okutseja Jesus.” Aantu sho je mu lombuele: Nge to si, oshilonga shoje mokati koshiguanana shaandjeni otashi hepa.” Oje a jamukula: Jalue oje shi okulonga oshilonga saika je vule ndje. Oshilonga kashi shi shaadje, osha Kristus oje ta hogolola aalongi je.”

Pefumviko lja Samuel Morris aalumentu aagundjuka jatatu mboka ja taamba Mbepo Mujapuki keuliko lja Samuel oja

“OMUUA OMUTIMAHENDA.”

Ongulohi jimue nda pula aaseminaari kadona eimbilo ljonulohi olini po oje je li hokua komeho gomakuauo. Kehe gumue a li e nokunjola ejamukulo lje kokambapila. Konjala muumbapila auhe mua njolua “Omuaa omutimahenda” Ano eimbilo ndika lja hokiua uunene kaagundjuka mbano jomenongelo ndika. Ngiika itandi puka ngele tandi inekele eimbilo tuu ndi li hoolike uo kaagundjuka jalue ojendji.

Ihe eimbilo ndi oli na shike ano tashi hokica ngeji? Eeno, eui oljo opala, otali mlilike mutima guomuntu, niitja ja fa ja eta naa naa puujelele ediladilo ndjoka ongoje u li na ongulohi kehe sho to tala luokonima, kesiku ndjo lja hulu po. U uvite oto pumbua cmajonagulo goje ga dimue po. U uvite to pumbua omahodi goje ga ceue po, oto pumbua u gamenu. Shino ashihe ito shi vulu, aue, onke to indile u ningilue ngaaka ku Kalunga.

Ihe tu je kekota ljeimbilo ndika: “Omuaa Omutimahenda.” Olje ngo a fa a kucana naa naa amadiladilo goje noku ga pa olupe luokateuo koopala? Andija, ndi ku hokololele. Edina lje oje Lina Sandel. A valelua mu Swed omumvo 1832. Ohe a li omusitagongalo. Lina a putudilua muukriste. Nokuli manga a li okanona a njanjuda aakuluntu je, oshoka a li omunamagano nomunamikalo. Ihe oshinima shimue shanika aakuluntu je oluhodi, nosho shika: Lina ka li kake nuukolele uolutu. Oje sho a li e namimvo omulongo a adika kuvu uudigu, a fa a lemana, ina uapa okuenda nenge okudana. A lala ngeji omuvo gumue netata. Ajehe ja diladila kee na mpo ta aluka.

Osondaha jimue ohe a li e notufo luukuvicila aantu mongerki naantu ajehe jonegumbo ljaandjauo ja ji momambo okunanga Lina nomukaleli gumue. Ongendjo soo ja tono lutijali, naantu ja gongalele mo, Lina okui iningile omambo. Oteksti josondaha ndijaka ja hokolola omuna gua Jairus. Lina e ji tseja momutse nale, ihe ngashingeji a kuatua kadiladilo ndi: “Omuna gua Jairus a li e noomvula omulongo na mbali ngangame na Jesus e mu aluda.” Lina okua tula iikaha je kuumue nokua galikana Omuaa Jesus e mu kuatue koshikaha ngashi a kuata nale omuna gua Jairus no e mu aluda nokutja: “Cikama”. Sho a mana okugalikana, okua icana omukaleli nguka a li megumbo nokua pula oonguuo de. Oje sho e di peua, okua cikama, e di zala e te ende. Enjanju lje oli cike peni sho a dimbulula oompadi de tadi longo tadi mu humbata. Esiku ndijaka egumbo ljauro olja li ljuuda omahambelelo, Omuaa sho a aluda Lina. Uunene ohe a njanjukua shili, oshoka a li e hoolle Lina noonkondo. Manga uvu inau ada Lina, ohe e mu longo okutseja iinima ji ili noji li. Oluindji Lina a kala puhe moshinjanga she, moka a li e nokatafula ke nokapundi ke, oshoka e hoolle okukala puhe. Manga ohe ta longo, Lina ta kuutumba nokumuena nokukonakona omambo ge, na ngele ta lesa shoka tashi

holola ju uvite ji icanenua oshilonga sheuvico kevi ljaAfrika.

mu njenge, ta ji kuhe nokupula, nohe ota zimbuka ilonga je nota kundacana naje nombili. Osho ngeji Lina a humu komeho mokutseja. Konima jealuko lje ohe a tameke oku mu longa omalaka gaakuilongo no mu ajihe Lina a kala omudiginini. A fa e nuupu okuilonga iinima iipe.

Miipelende jomoshinjanga mua njolua oohapu d'Ombimbeli, noluindji Lina a kala ecimbo ele noku ji tala sigo oohapu e di tseja momutse. Osho ngeji oji i longo uo oohapu dika: “Omuaa, ulukila ndje, epola ljoje, ndi ende moshili joje.” Ps. 68:11.

Nokuli muunona ue Lina a njola uuteuo. E hoolle okuenda mokuti nenge pomilonga oje auike. Ashihe shoka e shi muuo sha fa sha shituka okateuo momuenjo gue, ngashi oonjoci noongala nomicima. Ihe iinima jopambepo nojo uo inaje mu holekua. A njola uo: “Omuenjo ngele kagu nombili, omanjanju agehe omalulu.”

Lina sho a li e noomvula omilongombali na ntano, oja ji nahe okutalela po okuumu kabe. Ondjila ja li onde no ja li je nokulonda uo metembameja ja taaguluke Veteer, etale enene li nomeja omale. Uusiku uotango uokuenda kuauo metembameja oja koca naua, ihe ongula ombepo ja ningi ji noonkondo. Omakucikuci ga denge naji, nohaluka ovala, etemba neja olja tenguka. Ohe a guile momeja. Aantu inaa uapa okuninga sha je mu hupice, aue. Lina a li enokutala nkene ohe omuhoolike ta ningine momakucikuci. Oluhodi ndika konjala lua mana po oonkondo da Lina. A li e noku shuna ku jina e mu hokololele shoka sha ningua. Ihe moluhodi luauo oje ja li je netalaleko mokuinekela Omuaa. Lina a njola: “Omuaa, pe ndje shoka to shi tala tashi opalele ndje.” Osho ngeji a kala miikaha jOmuaa n muudigu uo.

Konima jomimvo dimue Lina a silua uo jina. Ihe natango Omuaa a li etalaleko lje noljaamuajina.

Oomvula dimue isheue sho da piti po, Lina a hokanua komuhali edina lje Oscar Berg, ngoka a li uo omutilikalunga. Egumbo ljauro lja ningi lja pangalua kombili ja Kalunga no lja ningi ljojendji. Natango Lina a tsikila okunjola uuteuo. Oje muene a ti a fa ta peua naa naa iitja manga e li mokati kaantu nenge muuikae. A li e nokuendelele okunjola kaa dimbue mbjoka e ji peua. Uuteuo ue uuindji ua totelua omaui noua ningi ngeji omaimbilo. Membo “Omaimbilo gegongalo lja Kristus” mu nomaimbilo gatatu iitja jaguo ja totua ku Lina Sandel, no membo “Imbileni Omuaa” mu nogendji ge vule ngo. Omaimbilo ge ga hokiua ku ajehe. Omukuanilua guomevi ndijaka e ga pulakene nomuenjo gua nengena. e nomahodi momeho ge sho a imbilua: “Jesus ou omuenda uoje e ta cikama posivelo esi soje”. Omujina guomukuanilua a li okuumelela ka Lina Sandel. Muua mua gongalele uo ongundumbimbeli

Iitja jeimbilo ndika “Omuaa omutimahenda” ja ningua meui ljoopala omutoti gualjo ita tsejika. Ihe eui lja imbua mokati kaaswede manga li niitja ji ili no inali njolelua noonoti momambo. Konima aakonakoni je li uvu no je li njolele momambo. Osho ngeji Lina Sandel e li ada mokue li totele iitja iipe. Ano ngeji eimbilo ndika lja totua.

A. H.

OKAANDJETU

ENONGELO LJOONTUMUAFO.



Koskola jaajakuli jaakuanegongalo kEngela taku tameke ejakulo epe isheue. Tu uvite ope nojendji mboka ja hala omapukululo gomoohapu da Kalunga, ihe itaa mono ompito okuja komanongelo. Ngashingeji enongelo tali ja kaandjeni molupe luontumuafo. Shaa ngoka a hala, oje ta vulu okutameka oskola ja tja ngaaka.

Shaa tuu to tumu ko edina ljoje noadres joje niimaliua ji cike pu lsh 6d ku

ENONGELO LJOONTUMUAFO, ENGELA,

oto tumina ontumuafo jotango taji ku pukulula. nkene u nokukoneka Ombimbeli joje. Kokutja u konge oohapu adihe mOmbimbeli jojene, ngashika ontumuafo taji ku pukulula. Omo mu na uo omapulo u ga jamukule, u njole ejamukulo ljoje mpoka pua cigilua eha ljejamukulo. Ngele ua mana okujamukula ontumuafo ajihe, nena to ji shunica kenongelo ljoontumuafo kEngela, nkoka omajamukulo goje taga pukululua. No nge ga pukululua, nena ombapila taji ku galulilua pamue nontumuafo ompe, u tsikile ekonakono ljoje sigo oontumuafo da ningi 8 adihe kumue. Ofuto lsh. 6d ja guana moontumuafo adihe 8.

Ngoje nguka u li muu ike uoje no ku na omupukululi, tameka oskola ndjika joontumuafo.

One mboka mu nompito jokumonacana ningeni ongundumbimbeli moka tamu koneke Ombimbeli pamapukululo goontumuafo dika. Onaua ngele mongundumbimbeli kehe ngoka e shi kulesha ti ilandele ombapila je muene no te ji koneke mokuilongekida muu ike ue. Ajehe ngele ja gongala pamue, otapu kundacana naua, omajamukulo nkene ge nokukala. Gumue ngoka ta hogololua a kale omunjoli guongundu, oje ta njola omajamukulo ga ziminua gongundu ajihe mombapila jimue. Ombapila tuu ndjoka jimue ajike taji tumina komupukululi kEngela. Ojo nge ja pukululua no ja galuka, ojo taji leshelua ongundu ajihe, opo kehe ngoka a uape okuipukulula ombapila je muene.

Aajakuli jegongalo tamekeni oskola ja tja ngaaka.

Omukuanegongalo kehe u shi kulesha tameka oskola ja tja ngaaka.

Aamati jok Uushimba tamekeni oskola ja tja ngaaka, opo mu kolekue koohapu da Kalunga no muaa sindue komamakelo.

Omuetiopia okua ti: "Tandi uuvu ko ngiini, ngele kuaa na ngoka ta tula ndje mondjila?" Iil.8:31. Ngashingeji ngoje ito pumbua okutja ngaaka. Ilandela omupukululi nguka a hala oku ku tula mondjila, opo u uve ko, oohapu da Kalunga shoka tadi ti.

Enongelo ljoontumuafo lja hala oku ku kuaca mpaka.

Tameka ano nena.

OMUENJO GUANDJE HAMBELELA OMUWA!

Epsalmi 103.

Esiku 1 Mei 56 omuyevangeliste Werner Amuaalua gwokOtjiwarongo e ya okutalela po aawambo mboka tu li miilonga yomu S. A. Minerals Corp. Ltd. Okua li a thikile mu Ebenezer. A kala mo iuike iyal ta konakona oskola dheshasho nekoleko.

Oshiu ike oshitatatu e ya kOtjosondu kua li a tegelelwa nenyanyu kaalongwa no kaalongi yawo. A li natango ta konakona omulongwa kehe okuhuma komeho mukulilonga Okatekisa, nosho wo Etestamenti Epe, nehokololo lya Nakambale. Omapukululo ga li po ga yela nomafatululo goohapu dha Kalunga. Uutoye wadho wa dhimbululwa, kehe gumwe mehwamo lyomeni a ti: „Omuenyo guandje, Hambelela Omuwa!”

Aakriste yongundumbimbeli ya li wo ya gongala pamwe nomuyevangeliste miigongi yongundumbimbeli. Oshilalakanenwa amatati guukriste. Efes. 6:10-20.

Eti 24 Mei lya li esiku lyeyoololo aalongwa mboka ya talwa ya gwana okutaambwa meshasho nosho wo mekoleko ya taambelwa mo.

Eti 27 Mei lya li esiku lyoshituthi. Pokati komutenya otundi 12,30 omambo ga hiti moshinagoga yomu Ebenezer. Eimbilo lyetameko 191. Omuyevangeliste a yi moshigalikaneno, aaitedhululi naashashwa ya dhingoloka oshigalikaneno. Ya pulwa omapulo pamukalo guesakramenti lyeshasho, sigo ya shashwa. Konima yokushashwa ongundu yaaimbi yomu Ebenezer ya imbi: Oshike mwa mwena aaholike yOmuwa! Konima yeimbilo naashashwa sho ya kuutumba, aakolekwa ya yi koshigalikaneno ya kuudwa nesakramenti lyekoleko nosho uo pamukalo

mOkatope:

Titus Mudjanima a si 16. 11. 55.

Paulus Vatekula a si 10. 3. 56.

Jakob Kondjeni a si 20. 3. 56.

Daniel Nikodemus a si 24. 3. 56.

mUukolonkadi:

Ndajambekua Kleopas a si 21. 2. 56.

Anna Mupolo a si 8. 3. 56.

Petrus Jakob a si 19. 5. 56.

mOhalushu:

Susana Hainana a si 19. 2. 56.

Petrus Njambali a si 17. 2. 56.

Gabriel Teofilus a si 25. 3. 56.

Fridrih Alukolo a si 30. 3. 56.

Abraham Shekuhungama a si 21. 4. 56.

Martta Jonas Kornelius a si 20. 4. 56.

Hilalia Kandenge a si 26. 4. 56.

Martta Haihuoma a si 27. 4. 56.

ETSEJICILO

Oluindji tua tala oonakukala miilonga mehalakano sho jaa na oshimpuiju noombapila dauo degongalo. Omuntu ota diginine ombapila onkulu nando aluhe ote ja kOuambo kaa noshimpuiju shombapila ompe. Omukriste ngele ta ji kiilongo ota vulu okuja koshinjangagongalo a peue ombapila. Tse itatu vulu okujakula omuntu e nombapila onkulu, nge mekoleko nge paUulalelo Uujapuki. Hebr. 10:24.

Werner Amuaalua
Otjiwarongo.

gwomapulo sigo ya kolekua. Omulongi gwoskola Benjamin a uvitha Heb. 10:26-31. Omuyevangeliste ta tsikile Math. 28:19-20. Ongundu ya imbi: Ekulilo lya guanithwa Kristus e li gwanitha. Aashashwa ya li po 19, aakolekua 8.

Omaambo ga piti mo. Konima aayenda yUulalelo Uuyapuki ya shuna mo pamwe naakolekwa. Eyambeko lyaKalunga lya li po olindji shili. Otse aawambo yomehalakano otatu hambelele uunene Kalunga sho he tu dhimbulukwa moluhepo lwetu, notatu halele omuyevangeliste Werner eyambeko lya Kalunga miilonga ye.

Omupangi Michael S. Upindi.

SHITLANGU.

omuna guokombanda

Lja njolua
ku
Andre de Clerc
na
Edoardo Mondlane

Lja lundulua
ku
Hosea Namupala,

Etsikilo.

Congonjo adike.

Ongundu jaamati oja kondeke oonakukondja mbaka. Itaku jolua ue. Oja kumua noja itaala nombili puua na omalimbililo kutja Majeriman oha denge oongonjo. Okua holola olugodi lua li inaalu tegelelua.

Mafuma okua holola omadidiliko gomvulue. Okua hala nokuli olugodi lu pue, a ninge nee ngaa omusindua. Okua didilike naua oonkondo domukondjici gue. Omalupi ge muene omashona, kage na oshilonga. Majeriman osho nduno a hala sho.

Majeriman okua denge isheue omankaua gaali nenge gatatu koshipala, kokana nokoompanda. Mafuma okui itumbu ko eta cikama. Omilungu de otadi zi ombinzi nota hekumuna.

Ondu uvite einenepeko omolua esindano lja kuume kandje. Enjanju ljangje ando olja guana oshoka ouala ndaa shi shoka tashi ada ndje. Otandi vulu tuu okukondja olugodi nduno lua tsica Majeriman pombanda ja Mafuma nopombanda jaajehe mboka je sindike ku Mafuma.

Majeriman okua ka kuutumba. Oje tuu shili omusindani molugodi nduka ihe okua vulua. Okua sondjala. Unene omoluashoka isheue esiku ndjoka otua li inaatu lja uulalelo ongulohi.

Majeriman okua tameke okulendenda. Aakuetu je eca oku mu tala noju uka ku ngame opo ja pulapule ndje kombinga jolugodi noja tegelele nokukulukuta ndi jamukule, shoka tashi ja kumica.

- Oua li tuu ho kondjakondja sho ua li ho lica popepi negumbo? - osho ja pula.
- Kokutja ngiini andola? - Osho nda jamukula nuupu nuupenda noneui lja kola lja fa ljomuitangi.

- Oua mono tuu noua didilike Majeriman sho a ningi Mafuma? -

- Majeriman je muene ina ninga unene sha. -

- Oh! Oku shi okuumpila noongonjo. -
- Oshike tashi kumica mpano? Enkaua ljokeulu olja dengua opo li ete oshidungue mu Mafuma na limue okokana li mu kuce oonkondo, limue omolujego opo a je oshitelele momutse. -

- Osho ua li ho ningi ngauo kuusita uopegumbo? -
- Inamu tseja nani shoka shi noshilonga. Tango ou nokuvulica omutondi guoje. Osho ngaaka onakukondja ta holola uulumentu ue. -

Osho nda popi shoka itaandi vulu okuninga. Ngame inandi fa kuume kandje Majeriman. Ihe ondi inekela okukonakona kuandje okua pa ndje ngaa oondunge dasha. Majeriman okua holola oonkondo de mokukondja kuo kuenekuene, ihe ngame da-

ndje otandi di holola nokuipopila noka-na.

- Oua kondja oluindji na Majeriman? Ngoje omunankondo ngashi je? - aamentu osho ja pula isheue.

Epulo ndika onda li nda hala oku li henuka. Onkee onda ti:

- Otua li hatu kondjo ootundi nootundi nopuaana olucuuu. Esiku limue nguno a sindika esiku ekuauo nguija ta sindika. Osho ouala sha li ngaaka.

Elago enene pecimbo tuu ndika omukuluntu okua dimbulula kutja oongombe odi li koontuni domucima guomanenge. Omusita ngele ite di kotokele ope na oshiponga. Ohadi guile mo.. Otatu di kuca mo ngiini? Otu na okuicana aantu je tu kuace. Uudigu shili.

Hosan okua tumu ko aamati jaali adiginini. Manga tse noje tatu ji momuzile guomuti omunene, gu li po gua fa gua opalekua. Ogua siikilua koongala. Oonjushi nuumbilimbili uomajuvu ogendji oue gu kundukida. Omeho getu oga vululukua mpoka, mokutala eadimo ljomuti, moku li tallela kumue neopalo ljomatale ngoka ge li popepi nkene ga taalelacana naua nevangandja.

Otua didilike otu uvite ondjala. No inaapa pulua sha, omukuluntu naakuaci je, oja tameke okutopola iijetua. Aamatjona oja tilehi pevi omaludi agehe giikulja mbjoka je eta, oonkundencna, ocmbundufukua niikuila.

Ompango juusita oje ndjoka, ngoka omukatalume unene oje e na okueta iikulja ojindji niuanaua, ihe petopolo oje e na okupeua mbjoka iishuushuka nojaana oshilonga. Kombinga onkuauo, omukuluntu, ihe eta nando osha, ihe oje e na okumona oshindjishindji, oshoka oje omukuluntu.

Okutopola kua pu. Shaa ngoka ota kua shoka a peua oshinene nenge oshishona eta li nuufukedi. Shoka ngame omupe, onda peua okashona. Omupacimo ljehe onde ka mana po, nonda tala ku Majeriman ngoka a li omulumentulela esiku ndjoka, oje okua dimbulula shoka nda hala. Onde mu pe edidiliko a pe ndje onkundena - - - Oje nokua pe ndje.

Opo mpoka okua lombuelua a ka kua ce gumue a njengua kiimuna. Oje nokua ji ta njanja. Omulua gua hikua ku Hosan ogue mu endelelica.

-Hei! Ukica iimuna luoketale,- osho a lombuelua ku Hosan.

Omoluembuelo ndika ajehe oji igida kenjanju, oshoka oljo edidiliko ljokujoga. Tadi tsikilua.

AAPANGI YAAVU OYA PUMBA MUUYUNI AUHE.

Aanandunge oya koneke, muuyuni auhe omu noluhupo lwaapangi yaavu. Moshilongo oshinene sha Brasilia mu Suid-Amerika omu naantu oomilyona 60, ihe aapangi yaavu oye li po 5,000 ayeke. Ando kOwambo ku kale ngaaka, ando tu naapangi 15 ayeke.

Oluhepo olunene olu li ihe ku India. Ngele itatu tala shoka shi li kiilando iinene, nena mokati kaaandia 300,000,000 (lesha: oomilyona omathele gatatu) omu naapangi 150 (ethele limwe nomilongo ntano) ayeke! Nani, kehe omupangi ota tegelelwa, a hunge aantu ye thike poomilyona mbali!

EGALIKANO OMOLWOYAKWETU MBOKA YE LI KUUSHIMBA.

Omuwa, uuv' egalikano
omolwooyakwetu mbe,
yaa po we popepi mpano,
ye li kokule natse,
ya zi koshilongo shawo,
ya ka kong' iipalutha.
Kalunga, ja gamena.

Okesilohenda ljoje,
Kalunga, ya enditha,
yaa ka eth' ondjila yoye,
yaa ka shune monima.
Kevi lyomahongololo,
Kalunga, ya popila.
Kwatha okusinda.

Yambeka oohapu dhoye
tadhi uuvithilwa ko,
nosho wo aamati yoye,
mboka we ya tula po
okulitha oonzi dhoye
noku dhi p'ipalutha,
Kalunga, ya koleka.

Omuwa, uuna to shi hala,
ooyakwetu ya ze ko,
ya p' ondjila ndjo yo oopala
ngu ya pe egameno,
ye tu aadhe ye li nawa,
ngashi we ya yambeke,
tse tu ku hambelele.

Ihe ngel' oondjenda dhawo
hwiwaka to hulitha,
pungula oomwenyo dhawo,
sigo to ya yumudha,
keembo lyoye lyomegulu,
mevi ndyo lyuuyelele,
u tu monathanithe.

Ewi: S.V.K. 497.

Elundululo: E.J.P.

OOHAPU DA

hongu ngwiwaka, a ka tale aamurut, ngele ye li po natango. Omuhongi sho kua thiki ko, okwa kumwa noonkondo, oshoka okwa aadha aantu 3,000 ye li nawa noye etha iikolitha ayihe. Oshike sha ningwa ko? Aamurut oya hokololele omuhongi, nkene ya li ya nyengwa okudhimbwa oohapu ndhoka omuhongi kwa li e dhi ya uuvithile, manga inee ya thiga po. Oohapu ndhoka oye dhi itaale noya tameke okukala, ngashi tadhi ti. Kehe esiku etiheyaali oya li haa gongala okukundathana oohapu ndhoka nokugalikana Kalunga. Oye etha naale iikolitha ayihe nomikalo omikwawo omiwinayi.

Oonkundana ndhika sho dha aadha epangelo, oyo lya zimine nenyanyu, etumo li tsikile oshilonga shalyo mokati kaamurut. Ngashingeyi konyala aamurut ayehe ya ningi aakriste. Oyendyi yomuyo oya putudhilwa uusita womagongalo notaa yakula aantu ooyakwawo momagongalo ogendji. Ihe shika inashi ya gwanena. Oya suuladhi uunene oku ka uuvithila wo miilongo yopuushiinda oohapu oombwanawa dhehupitho. Oyendji oya tumwa nokuli, nongashingeyi aamurut 50 oye li moskola yetumo, ya ninge aatumwa.

Dhiladhila nawa u tale: maantu 3,000 (ano ngashi egongalo limwe lyomOwambo)

Etsikilo kep. 5.

OUNJUNI TAU TONGO SHIKE

EPANGELO TALI PANDULA ETUMO.

Aapangeli ya Union oya hala okutseya nawa okukala kwaaluudhe momavi ngoka ge li mepangelo lyawo. Onkee oya lombwele omulumentu gumwe omunandunge, Dr. Tomlinson, a koneke nawa oshinima shoka, noye mu pe aayakuli mboka e ya pumbwa moshilonga she. Ngashingeyi Dr. Tomlinson okwa gwanitha oshilonga shoka e shi pewa nokwa nyola ehokololo tali hokolola nawa okukala kwaambantu mu Union. Ehokololo lye oya ningi ele noonkondo. Olyu udhitha omambo 15 ge na agehe kumwe omapandja 3,755. Pamwe komeho taku holoka ehokololo lya fupipikwa li shi kulandwa komuntu kehe.

Otwa hala tu tumbule mpaka iinima yimwe mbyoka Dr. Tomlinson e yi mono mokukonakona kwe, unene kombinga yuukriste.

Ngele tatu tala Afrika alihelihe, nena aakriste oyo oshitihetatu shaayafrika ayehe (12 1/2 persent). Oyendji yomaakriste mbaka oye li mu Afrika lyokuumbantu, unene mu Union. Mu Union aakriste oye li po oyendji ye vule aapagani. Maantu ethele limwe omu naakriste 65. naapagani 35. Ihe omiyalu ndhika odha yalulwa maantu ayehe kumwe, ano aatiligane naaluudhe na yalwe ayehe kumwe. Ando kwa yalulwa aaluudhe ayeke, ando ngiika kwa monika, kutya aakriste naapagani oye li po etata netata.

Oongerki yoomburu (Nederduitse Gereformeerde Kerk) oyo yi na konyala etata lyaatiligane noshititatu sha "kleurling", ihe aaluudhe aashona yowala ye li mongerki ndyoka. Aakriste aaluudhe oya topoka nayi pokati koongerki odhindji niimpaga oyindjiyindji. Oongerki ndhoka dhi shi kutiwa oongerki odhi li po 78, niimpaga yi ili noyi ili oyi thike p' 1,286 nokuli! Oyindji yomiimpaga mbika oya vundakana nayi nuupagani; omuntu ita vulu we okutya, oyo aakriste nenge aapagani.

Oshilonga shetumo otashi popiwa moontopolwa odhindji mehokololo lya Dr. Tomlinson. Oye ta pandula nawa etumo naatumwa. Otatu tumbula mpaka omadhiladhilo gamwe ngoka te ga eta mehokololo lye:

Mokuendathana naavalelwamo etumo olya aadha popepi nayo nolye ya kwatha shili nawa. Eputudho nehumokomeho lyaambantu konyala alihe olya zi ketumo. Ngele tatu dhiladhila aatiligane ayehe mboka ye endathana naambantu yokevi ndika okuza komumvo ngwiya 1652, nena otu nokutya: aatumwa oye endathana nayo nawa ye vule aatiligane ayehe yalwe.

Mu Union omu na ngashingeyi aatumwa ye vule 50,000: aahongi, naalongi, naapangi, noondohtora, nosho tuu. Mokuopya oshilonga sha Dr. Tomlinson ota ti:

"Uukriste ou noonkondo tadhi kumitha omuntu. Owo owa lundulula okukala kwaambantu akuhe. Katu shi kufatulula, nkene sha ningwa. Oonkondo ndhoka dha shitulula okukala kwawo, kadhi shi dhopantu nenge dhopanshitwe."

Mokukola kwopalutu, mokuhuma ko-

meho moondunge, momikalo, monkalelo yomomagumbo, koombinga adhihe dhokukala kwawo aavalelwamo oya mono oonkondo dhuukriste.

Dr. Tomlinson okwa dhimbulula kutya oyendji yomaatumwa oya zi kiilongo yokokule. Oye ota yematele oshinima shika, oshoka oye a dhiladhila, aakriste yomu Union oya gwana okulonga oshilonga shetumo mevi lyawo. Oye ote ya kumagidha, ya humithe komeho oshilonga shetumo. Okwa pumbiwa natango aatumwa oyendji, Aatumwa ayehe oye nokuputudhwa nawa melongo lyuukriste, momalaka gaavalelwamo nomoondunge dhi ili nodhi ili. Nosho wo okwa pumbiwa aasitagongalo aavalelwamo oyendji, opo aapagani mboka ye li po oyendji ya mone tuu uukriste wa yela.

Aatiligane oya pumbiwa natango, ya tsikile oshilonga shawo sheputudho. Ihe oyo ye nokukotoka, yaa kale sigo aluhe aaleli yoongerki dhaambantu. Aambantu yo yene naa tameke okulela oongerki dhawo nokukokitha omikalo dhawo dhuukriste. Aatiligane oye noku ya kwatha ashike mondjila ndjika yawo.

Mehokololo lya Dr. Tomlinson omu na oshindji shoka sha gwana okunyanyudha omuleshi omukriste. Oshiwana unene, epangelo wo sho lya dhimbulula uwanawa woshilonga shetumo nolya hala oku shi popila.

(Pa "Kerkbode")

EHANGANO LJAANAMAPJA AAMBANTU.

Mokutonatela emavi gaambantu epangelolelo ljaaluude olja mono uudigu, omolua shoka aambantu inaa longica evi ljauro pandunge. Monkalelo jaambantu jonaale kehe egumbo olji isile oshimpuiju miinima ajihe, Omukiintu kehe okua kala e nokapja ke moka ta kunu omapungu nenge omahangu. Osho uo omulumentu kehe okua kala e niimuna je. Ihe mokulonga omapja gauo oyo oja kuca mo ashike oonkondo domapja gauo, jo inaa shuna mo sha. Onkee evi ljauro lja hepa. Naale kasha li shi noshilonga, oshoka aantu ja li haa tembuka kombinga nombinga; onkee evi olja li epe, shaa mpoka aantu ja ji.

Ngashingeyi kashi li ue ngaaka, oshoka ngashingeyi kaku na ue evi epe okutembukila mo kujo. Aantu oje nokukala mpoka je li. Nokuli itashi vulika ue, aambantu ajehe ja kale aanamapja. Omapja naga longue kumboka ajeke ja tseja naua oku ga longa notaje ga diginine. Aambantu jalue oja pumbiwa miilonga jilue.

Oshiholelua oshiuana shiilonga ja topolua naua notaji digininua naua otashi monika momikunda da Tzaneen muumbangalantu ua Transvaal. Oko oku nomapja omanene taga monc omeja moondama. Omeja ngoka otage endicua momatondokelo. Oko ku na uo ehanganu (koöperasie) lja totua kaambantu mboka taa longo omapja ngoka. Ihe oku na uo ojendji mboka taa longo iilonga jilue.

Omikunda da Tzaneen odi nomapja omauanaua go oopalela iilja na unene iikunua jilue. Omoluoshinima shika epangelo olju uuca aantu je ece oohambo diimuna jo ja tameke okulonga iikunino. Nando aantu ja li ja tindi oshinima shi cike mpoka, komeho oje shi zimine, sho je shi mono shu uuka. Epangelo olje ja kuaca oondama nomatondokelo gomeja. Okua hogololua mboka taa ka ninga aalongi jomapja noja peua omapja ngoka taje ke ga longa pamue naanegumbo jauo. Otaku longua noondunge, pamukalo ngoka tagu oopalele okulungua omapja. Shoka tashi kunua mo oshindji, osho omatama nomakunde. Oomvula dika da hugunina kua tamekua uo okukuna "koring", ano iilja joomboloto, oshoka aanamapja oja dimbulula, inashi oopala okukuna oludi lumue aluke mepja kehe omumvo. Onkee otaa lundulula oombuto omumvo kehe. Ojo nge taa longo ngaaka, nena otashi ja kuaca okumona aluhe oofuto da guana, oshoka omatama ngele inaaga halika, iilja ngiika oja halika. Komukalo nguka ojendji oji ilikolele naua shoka je shi pumbua.

Aanamapja opo ja uape okuendica naua iinima jauo, muJunie omumvo 1947 oja toto ehanganu (koöperasie). Aambantu ajeke oja ziminua ja kale mo notaa futu kehe gumue £1. Aanamapja ajehe oja dimbulula uuanaua uehanganu ndjoka noji itula mo. Aanehanganu otaa gongala kehe omumvo lumue notaa hogolola jahamano jomujo ja kale auiliki jehanganu ljauro. Ombaka jahamano nge taa ningi oshigongi shauo, omupangeli (naturellekommissaris) ota kala omuiliki guohapu dauo.

Petameko ehanganu ndika lja li tali kuacua kaatiligane, ihe ngashingeyi olja putudilua aajakuli aaluude ajeke. Omujakuli omukuluntu guehanganu ndika "Letaba Bantu Farmers Co-Operation" oje omunjolitonateli a putudua naua. Omualu guanehanganu ogu vule ngashingeyi 1,100. Ehanganu ljauro otali landica kehe omumvo iinima ja guana £20,000, noli na uo iihauto jaljo ljene.

Omunepeja kehe ota fala iinima je peha lju uuvacanua li li popepi naje. Otaji ka talua ko koshihauto shehanganu. Ehanganu tali konakona li tale nkoka ku nondando ombuanaua notali tumu ko iinima jaljo. Iimaliua ja monika otaji topelelua ihe aanamapja pandjele jauo. Iilongico niikolekico jepja (kunsmis) ohaji landua kehanganu ojindji oshita, opo aanamapja je ji lande nuupu.

(Volgens "Bantoe")

OOHAPU DA
omwa zi aasitagongalo 20 naatumwa (tu tye aayevangeliste) 50, nomwalu ngoka ogwa fa tagu tana natango! Oohapu dha Kalunga odhi na oonkondo dhi thike peni okushitulula oshigwana ashihe!

"Shono shaa nedhina muuyuni nosha dhinika, Kalunga e shi hogolola, oshono shaa shi oshinima, opo a hanagule po shono shi li po, opo kwaa kale nando onyama yimwe tayi itanga koshipala sha Kalunga." I Kor. 1:28;29.

**UUKRISTE UA JELEKUA
NOKUGULU.**

Okugulu kuetemba okua pangelua nuunkulungu. Pokati ope noshini, moka tamu tūwa oakiseli. Oshini oshi li mokambundju. Olukaku luosheela olua mangelua koofeli, niispilingi otaji kuatele kumue oofeli nokambundju notaji pe okugulu akuhe ukolele. Shoka shi noshilonga oshinene muaambika ajihe osho oakiseli. Eha Ijajo oli li pokatielela. Ojo otaji humbata uudigu auhe, uomagulu nouoshikeka nouofraha nokuli.

Okukala kuomukriste oku shi kujelekua noofeli dokugulu. Okukala nkoka otaku hokololua naua mepistoli 2 Kor.5:17: "Ano ngele ku na ngoka e li mu Kristus, oje omushitua omupe; iikulu ja hulu po, tala iipe ja holoka."

Ihe oofeli kadi li pokati mokugulu. Pokati ope noakiseli. Oakiseli jomukriste oje Kristus muene. Oje e nokukala pokati kuomukriste kehe. Paulus okua tseja shika, sho kua njola: "Ondi inekela shili onguka a tameke oshilonga oshuanaua muke, oje ote shi guanika uo sigo esiku Ija Kristus Jesus." (Fil.1:6) Kristus ngele ku li pokati mokukala kuandje, nena otandi ende naua nondjila ju uuka. Ihe ongame muene ngele ndi li pokati, nena otandi iendele nondjila jekano.

Otua tile, oakiseli otaji humbata uudigu uetemba. Jesus ota humbata uudigu uandje, ngashi kua tiua: "Oshimpuiju sheni ashihe shi mu tsikeni, oshoka oje te mu sile oshimpuiju." (1Petr. 5:7) Jesus ota kuca ndje uudigu noluhodi. Otandi kala ndi nenjanju. Oje oonkondo dandje; itandi pumbua okuloloka.

Oakiseli otaji kala ngini pokatilela? Oshoka pokati koofeli noakiseli ope niispilingi. Muukriste omu niispilingi. ine:-

- 1) Oohapu, (1Petr.2:2-3.)
- 2) Egalikano, (Joh.16:24.)
- 3) Evuliko, (Joh.14:21.)
- 4) Okuhokolola Kristus, (1Joh.1:3.)

Ihe iispilingi mbika iuanaua kaji nekuaco, ngele inaji pangelua naua pomahala gajo. Aluhe ombinga jimue oji nokuuka koakiseli, manga onkuauo oja tsu moofeli. Okulesha kuOmbimbeli otaku lalakanene Kristus. Okugalikana otaku lalakanene Kristus. Otu nokuvulika kuKristus. Otu nokuhokolola Kristus.

Ngele to tula iikaha joje kumue u galikane, nena ito vulu okutja, oshikaha shoje shokoluljo osho shi li mushoka shokolumoho, nenge shokolumoho osho shi li mushoka shokoluljo. Ajihe oji li mumue. Osho ngeji otse otu nokukala muKristus, na Kristus e nokukala mutse.

(pa Bruce Reed)

EPUKO:

Aamati ngele taa ji muushimba ohaa kala je netilokalunga sho opo ja zi mOuambo. Ihe shaa tuu omuntu a ciki pomuhona gue, nena a dimbua Kalunga; oshoka ota ada aantu jomevi ndijaka kaa na ko na sha noohapu da Kalunga. Otaa tameke okulandula omikalo daantu jomevi ndijaka sigo ja guile mepuko Ijoljene. Otaa tameke okukonga aakiintu jauo jaaherero nenge jaakuena. Ngele pe na mukuauo ngoka inaa hala okuenda oondjenda datjangaaka nota tameke oku ja pukulula, ojo otaa ti: "Ua pumpa, ou shi muno omOuambo. Olje ta ka lombuela omusita guegongalo ljetu nenge aakuluntu jegongalo ljetu otaje shi uvu,

**OMAMBO NGAKA OMO GE TI
MOSHILANDELOMAMBO NO
TAGA LANDUA NGEJI:**

	Ondando	Oposa
Okatekisa pashindonga	6d	1d
Okatekisa pashikuanjama	6d	1d
Elongo loukriste	1sh 3d	2d
Omahokololo go mo Bibli (Glad)	1sh 3d	2d
Omahepaululo	2sh 6d	3d
Okambo kotango	6d	1d
Embo lyokulesha	1sh	2d
Okambishi	1sh 6d	3d
Okambo kotete	6d	1d
Okambo kounona I	1sh	1d
Okambo kounona II	1sh 3d	2d
Ejelicilo Ijuundjolouele	9d	1d
Elaka Ijoomeme	9d	1d
Okambo kiitja	4sh	3d
Ehistori Ijongerki	9d	1d
Enongelo Ijandje	4d	1d
Euuco Ija Kalunga Ijopahogololo	4d	1d
Aahumbati jonjeka	1sh 3d	2d
Mua peua omagano	1sh	1d
Okambo kopeke	1sh	1d
Omutima uomuūu	1sh 3d	2d
Ouenda uomukriste	4sh	-
Ongundumbimbeli	9d	1d
Efatululo Ijepistoli Ijokaagalati	1sh 9d	2d
Efatululo Ijevangel pa Lukas	1sh 6d	2d
Imba omunona	6d	1d
Imbileni Omuaa	2sh	1d
Omaimbilo gegongalo Ija Kristus	5sh	6d
Eta Ijomagadi goonjushi	9d	1d
Evangeli pa Mateus	5d	1d
Evangeli pa Johannes	9d	1d
Etastamenti Epe noongenge		
oontiligane	2sh 6d	5d
Etastamenti Lipe	3sh 6d	5d
Elongelokalunga pashindonga	1sh 9d	3d
Vululukueni manga	3sh 3d	4d
Leesboekie	6d	-
Spreeklesse	3d	-
Jong Suid Afrika	3sh	5d
Dagbreek	5sh	6d

O nboka mu li kUushimba mu nokuguedelako ano iimaliua joposa.

**Kundueni
KOSHILANDELOMAMBO
SHOKONIIPA.**

kulje?" Osho ngeji taa kala muulunde sigo oomvula dauo dokulonga da pu ko.

Sho taa ja mOuambo otaa ji komusita guegongalo Ijauo notaa pula ohango, e taa hokanicua mongerki. Oohango daantu jatangejji Kalunga ote di jambeke tuu? Na Jesus ote ja mo tuu moohango deni? Omua puka ngele hamu tila omusita guegongalo nenge omukuluntu guegongalo; nenge mu li po aatilikalunga sho mu li mOuambo. Omua dimbua ngoka ihaa cigua po no ihaa holamua oKalunga. Oje e mu uete niilonga jeni oku ji luete ngashi mue ji longo muushimba.

Kaleni aalanduli ja Kristus no muushimba uo. Hokololeni Omukulili gueni shaa mpoka mu li. Uviceni oohapu da Kalunga mokati kaa mboka kaaje mu shi. Hololeni ukriste ueni montaneho jaajehe. Hololeni iilonga ajihe iuanaua niikumici Omua e jininga. Taandeliceni evangeli Ijehupico pamaganu mue ga peua. Inamu tila utondue u'uujuni, oshoka nOmuaa guetu Jesus okua li a tondua. Kaleni aamati oofule mokukondjela ukriste.

Jona A. Amupembe.

"MPEPO MUJAPUKI"

Mpepo Mujapuki Oje opersoni Oninatu jomuKalunga. Oje e na oshilonga shinene he shi longo momuntu.

Martin Luther melongo laje ota ti: Mpepo oje Omuifani, Omuongeli, oje Omuminikili, omujapuki nomudiinini... Melongo eli ofie tu uete Ongerki ja Kristus oja pumbua shili Mpepo Mujapuki. Nomujapostoli Paulus ota ti: "Ava tava endifua ku Mpepo ja Kalunga, ovo ovana va Kalunga" (Rom 8:14)

Ombimbeli tai holola jo oilonga ja Mpepo Mujapuki. Mpepo Mujapuki oje eenkono domeulu tadi dikua omukriste (Luk.24:49).

Omuene Jesus ta popi Mpepo Mujapuki ta ti: "Oje nge te uja." Oje Omuhekeleki ua shili momaluhodi etu aeshé. (Joh.14:16,17).

Oshilonga shimue hatu lombuelua kombimbeli Mpepo Mujapuki nge te ja, ota tomele oonjuni oulunde uao. (Joh.16:8s) Mpepo Mujapuki oje omulongi, "Oje nge te uja ote mu longo aishe nde i mu lombuela" (Joh.16:13 na Joh.14:26.) Oje te ja a hokolole Jesus mounjuni (Joh.15:26.)

Neudo jo tua teelega omafiku manene omo Tate a hala oku tu tumina Mpepo Mujapuki. Ongerki ja Kristus ja djuulukua oshihomo shaje. Onke natu kaleni neli pulo eli: Oje nge te uja ame ohandi mu peua tuu? Eongalo letu Mpepo Mujapuki ota ka longa tuu oilonga jaje aishe ja popua kOmbimbeli? Ame ndi udite oma huilili manene. Ngenge Mpepo Mujapuki ita longo mongerki ja Kristus onkuauambokavango.

Tate Kalunga e tu pa oshipango tu indile ashishe tue shi hala (Mat.7:7). Eshi tu na ompito ei, noneudo jo tu indileni Tate meulu a pe eongalo keshe Mpepo ja Kalunga je a longe natango oilonga jaje e i hovela nale.

Il' Omotalaleki guetu,
Il' Ombep' Ondjapuki.
Talalek' Omuenjo detu
Nena ndji nuujapuki.
Tida mo iihellele,
Ngu tu pe Uujelele.

Il' Omutonatici guetu
Na tse uo tu tonate.
Tida pOmilema detu
Doka de tu siikile,
Tse tu mon'uujelele,
Mbuka ue tu etele.

Paulus Andreas.

©MAKUNDO.

J. Fridrik, Grootfontein ote tu dimbuluca elondodo Ij' Omuaa sho ta ti: "Tala ongame otandi ja mbala, nondjambi jandje ondi ji na oku ji pa okehe tuu ngoka shi cike piilonga je."

Erastus Sikomba, Abenab ta njola ngeji: Aagundjuka aakueta, inamu enda momilema, ihe longeleni Omuaa pomasiku ngaka ga hugunina.

Teofilus Sidolo, Oranjemund a njola ngeji: Ongoka te ende momilema, ita mono mpoka ta ljata, ihe ongoka te ende muujelele, oku luete ko naua. Tu haleni ano okuenda muujelele nenge tu ende pahalo Ija Kalunga, opo tu ka cike kelago Ijaaluhe tue li uvanekelua okuje muene.